



Պարույր Սևակ

Խուսափում եմ

Ես խուսափում եմ
Թեթև դերերից,
Էժան սերերից
Եվ ա՛յն նորերից,
Որ հաստատվելիս
Ու թուխս նստելիս
Միշտ հինն են ծնում.
Եվ ա՛յն օրորից,
Որ քուն չի բերում,
Այլ, ավելի շուտ, քուն է փախցրնում...
Մի՛շտ խուսափելով,
Ճի՛շտ խուսափելով՝
Պիտի չհասնեն և ա՛յն դրության,
Երբ փափուկ բանի հեշտ կտրվելը
Վերագրվում է թրի սրության.
Լողալ չիմացող մարդու խեղդվելը՝
Լճի խորության.
Ստիպողաբար կռվում հաղթվելը՝
Սրտի բարության.
Օժտված մարդու հաջողությունը՝
Քաջնագարության.

Իր սկզբունքին հաստատ մնալը՝
Մտքի քարոթյան...
Ես խուսափում եմ դեռ շա՛տ բաներից:
Ես խույս եմ տալիս
Թեթև բաներից վիրավորվելուց.-
Շատ եմ ինքնասեր.
Եվ անպատասխան սիրահարվելուց.-
Սիրառատ եմ շատ.
Եվ շիլ դառնալուց՝
Իմ խեղճ աչքերի անվերջ շովելուց.-
Չարմանում եմ դեռ.
Ամեն կշեռքի թաթին դրվելուց.-
Իմ քաշը գիտեմ.
Ամեն առիթով իսկույն սրվելուց.-
Եվ ի՛նչ եմ տաշում,
Լոկ ի՛նձ եմ մաշում...
Չե՛մ ուզում տրվել, ամեն մի կրքի,
Չե՛մ ուզում տրվել.-
Ես շատ եմ կրքոտ.
Չե՛մ ուզում կռվել հիմարների հետ,
Չե՛մ ուզում կռվել.-
Էլ ջիղ չմնա՛ց.
Ուզում եմ ծովել՝ բա՛ն չի ստացվում
Եվ չի՛ ստացվի.-
Բունս է հաստացել...
Գուցե վտարվե՞լ ուրախ շրջանից.-
Հաճախ եմ տխրում.
Գուցե վթարվե՞լ՝ մեքենայի պես.-
Մաշվում եմ անվերջ.
Գուցե կտրրվե՞լ այս խոկումներից.-

Ես էլ եմ հոգնում...

Ես խոյս եմ տալիս և գուր այրվելուց.-

Ո՞ր եք , մրսողնե՛ր,

Մո՛տ եկեք գոնե.

Ես խոյս եմ տալիս և գուր լարվելուց.-

Դեռ շա՛տ գործ ունեմ,

Որ չարվի՛ գուցե...

Ես խոյս եմ տալիս

Ամեն քամոցով իսկույն թորվելուց.-

Ջուր եմ հանքային:

Ես խոյս եմ տալիս,

Բայց չեմ վախենում շուտ պղտորվելուց.-

Աղբյուր եմ լեռան:

Ես խոյս եմ տալիս,

Բայց չեմ սարսափում և խոտորվելուց.-

Ճամփա կգտնեմ...

...Եվ չխուսափե՞մ այն դրությունից,

Որ լոկ գալիս է մեր խլությունից:

Խուլին ասում են.

- «Ցուրտ է, չես մրսո՞ւմ»:

Խուլն էլ ասվածը խլաբար լսում

Եվ ի պատասխան իրենն է ասում.

- «Հա՛, ճիշտ եք լսել, մեր անտեր ցուլը

Կա-չկա կարծեց, թե փորոտիք է՝

Չարկեց ու պատռեց մեր գինու տիկը...»:

Ես խոյս եմ տալիս ո՛չ թե խուլերից,

Այլ կարաս շարդող

Ու տկճոր պատռող

Բոլո՛ր անմակդիր նման ցուլերից...

14-15.VI.1957թ.

Մոսկվա